

## Das XVI. Capitel.

Von Deutschen Fischen vnd Krebsen/ mit ihren Wasserflüssen.

**D**eutschen Land seynd vil grosser vnd kleiner Fischreicher Wasser/darzu mancherley See/ Wage vnd Weher/in welchen fisch vñ Krebs gesangen werden.

Die fürembleste fliessende Wasser aber sind: die Thonaw/ der Rhein/ der Rhodan/ die Elbe/ die Wetzl/ die Oder/ der Wahalin Holand/ vnd andere mehr.

Die Thonaw sieuft durch Schwaben/Böhmen/Oesterreich vnd Ungarn. In diesem Fluss rinnen viel grosse schöne Fischreiche Wasser vñ See/ als der Ihn/ aus dem Etschland/ben Enß in Oesterreich/ desgleichend die Raab/ die Er abt die Theis/ die Sav/ der Lech/ die Wertach/ die Amper/ sampt vielen grossen vnd kleinen Seen vnd Flüssen/die nicht zu zählen sind.

So hat der Rhein/ der seinen Ursprung in den hohen Alpen nimpt/ sehr viel grosser See vñ Schifreiche Wasser / die alle sampt mit guten Fischen besetzt sind/ als der Bodensee/Emagterasee/vnd andere: darnach die grossen Waldbächte/ als die Thur in Thurgaw/ die Aar in Argaw/ darnach der Mayen mit vielen Bächen/ die Lauber/ der Neckar mit seinen Flüssen/ als Kocher/ Aar/ Ellas vnd andere: noch rinnen in den Rhein andere Bächte/ als die Ill/ die Kinzig/

Oberrhein

Breusche

Breusch / die Morg / die Sur / die Lauter / die  
Pfeme: Darnach die Mosel mit iren Bächen  
als Saar / Blis / Oster: Darnach die Scalde  
hen Eichenburg / die Nab oder Nah / die Nida/  
der Glan / vnd fürt der Maß mit ihen Bä-  
chen / kommen alle sampt in Rhein geflossen.

Der Rhodar / der auf dem Walliser Land  
in den Genfer See rinnt / hat seine Bäch / sind  
alle Fischreich.

Die Elb hat ihre Flüß gross vnd klein / als die  
Saal / vnd andere / also haben auch die Weixel /  
die Oder vnd der Wahal in Holland ihre Flüß /  
die zu erzählen nicht wol möglich. Noch sind  
viel schöner grosser See in Deutschland / als im  
Schweizerland / Bayerland / in Lothringen /  
Wesireich / Wahgaw / vnd vmb Dinckelspühel  
sollen so viel Fischwehen seyn / als Tag im Jar  
gezehlet werden / welche alle sampt mit Fischen  
besetz sind.

Noch lassen wir uns an denen allen nicht er-  
sättigen / schicken allererst unsrer geil Welt in die  
Seeländer / über Meer in Norwegen nach He-  
ring / Rückling / Bolchen / Brücken / Meerfisch /  
Rheinfisch / Plateisen / Rochen / Steckfisch /  
vnd dergleichen / welche auch etlichmal zum  
theil verlegen vnd faul zu uns heraußer kommen:  
die müssen wir Deutschen unsre Kost von Speiß  
In der Fasten lassen seyn / vnangesehen / daß viel  
Krankheit vñ breschen von solchen Speisen dem  
Menschen zufallen / wir wölkens also haben / vnd  
vielerley

vllerley franeheit vñ febres mit vnserm eignen  
 Gelt in frembden Länden kauffen/ vnd zu Hauß  
 selber führen. Und so etliche sind/die gemelte  
 dürre vnd gesalzene Fisch nicht essen mögen/  
 dieselben haben macht bei der Römischen Kir-  
 chen Kauffleuten Erlaubnus brieff zu erlangen/  
 vnd zu kauffen/sind schöne Brieff/vñ mit rotem  
 Wachs versigelt/ darein schreibt man die Na-  
 men/ vnd erlaubt ihnen/wer es kauffen vnd be-  
 zahlen kan/ das sie dörsten vnd mögen Milch/  
 Butter/ Käſ/ Eyer vnd Fleisch essen. Solche  
 gemelte vnd dergleichen Wahr aus frembden  
 Länden/ als Würk / Speceren / Edelgestein/  
 Samat vnd Seiden/ entführen dem Deutſch-  
 land mit ein geringe Sunt Gelts/das stellen wir  
 nun einem jeden heim zu bedencken/ vnd können  
 widerumb zu vnsern stummen vnmündigen Ge-  
 schen/ vnd sagen erstlich/ das die Fisch/ sonder-  
 lich wann sie abgestanden/ vnd nicht frisch sind/  
 dem Menschen viel vnd mancherley Bresten zu-  
 fügen/ wie auch der Henden Sprichwort lautet:  
*Piscis nequaata est nisi recens.* Es können aber Plautus.  
 die Fisch ohn Wasser in die harz nicht frisch blei-  
 ben/ das sieht man in jren Ohren/ so bald sie an-  
 sahen bleich vnd weis zu werden/sind sie schon Piscis pri-  
mura inci-  
pis à capite purer.

der Corruption vnd fäulung untere-  
 worffen/ darfür wisse sich  
 ein jeder zu hü-  
 ten.

O

Von

Von der Fisch Namen / vñ wasers  
ley Fisch gemeinlich in Teutschten  
Wassern gesangen werden.

**H**elche den Fischen guldene ängel wissen  
jurichen / die werden sonder zweifel die  
Fisch wol kennen / vnd ein jeden ben seinem rech-  
ten Namen nennen: diese Kunst ist mir zu hoch/  
darumb nimt ich nichts nicht an / sonder nenne  
ein jeden Fisch ein Fisch zu latein Piscis, Grie-  
chisch ixos, Arabice Catuech, Serap. cap. 453.

Der Krebs heist zu latein Cancer fluviatilis.  
Auff Griechisch/ Carcinos potamius. Ara-  
bisch Sartim. Serap. cap. 422.

Man sahet aber in vorgemelten Wassern vñ  
Bächen beynah allehand gute fish vñ Krebs.

In der Thonaw werden neben andern Fi-  
schen auch die grossen Haufen (zu latein Hufo)  
gesangen / welcher Blasen vnser Koch zu den  
Fischgalreyen brauchen.

Es werden aber gemelte Haufen nicht an al-  
len orten der Thonaw / sonder zu Summern bey  
Raab im Ungerland gesangen / vnd herausfer-  
gen Wien in Oesterreich mit haussen geföhrt.

Im Rhodan erhalten sich viel guter Fisch/  
vnd sonderlich überaus grosse Waldforellen.

Im Rhein findet man allerhand groß vnd  
kleiner Fisch viel / daruach die Stör/ Stari ge-  
nandt / vnd die grossen Menfisch im Aprilen vñ  
Meien. Der edelst Fisch unter ihn allen ist der  
Salm.

Salm/ der Lachs vnd junge Salmeling/ zu Eastein Salmo, Ezox.

In allen andern Wassern/ so auf den hohen Alpen vnd Wälden rinnen/ erhalten sich die Forellen vnd Eschen/ zu Latein Vetus, Truta, oder Aurata vnd Aschia genandt.

In den fliessenden reinen Wasserbächen findet man neben andern Fischen/ Barben/ gross vnd klein/ Lampreten/ vnd Neuaugen. Zu Eastein ist Barbo, Mullus vnd Trigla ein Barb; Lampreta, ein Lampret; vnd Oculata, ein Neuaug. Derglichen Gründeln zu Latein Fundulus, vnd Cacabus ein Kabe oder Groppe.

In andern gemeinen Bächen werden gemeinlich Hecht/ Karpffen/ Börsing/ Bressam/ Nasen/ Hassel/ Rotaugen/ Minwen/ Kressen/ Bliecken/ Pfrellen oder Erliken/ Sticheling/ Schleichen/ Russolcken/ Alte vnd Steinbeissen gefangen.

Krebs werden bennahem in allen Bächen vnd Weihern gefangen/ doch an einem Ort mehs dann am andern: in Dester: eich findet man derselben viel mehr dann sonst. Gleich wie in Schoteland werden viel Salmonen gefangen.

### Bon der Krafft vnd Würckung.

Alle Fisch/ in gemein zu reden/ sind von Rasis c. 10.  
Natur kalt vnd feucht/ werden langsam verdawet/ gebären schleimige Feuchtigkeit vnd faul

saul Blut / der obhalben viel am Kochen gelegen /  
die Deutsche Köche haben in dem theil das Lob  
vor andern Ländern / das macht sie bereiten vnd  
kochen ein jeden Fisch nach seiner art ganz na-  
türlich wol / wie es dann auch von nöthen / vnd  
die hohe Nohtdurft erforderst / vornehmlich wan  
grosse Herren / pontificalem coenam / das ist ein  
gut Fischmahl mit allerley Gattung zu richten  
lassen.

### Welche Fisch gesund vnd gute Nahrung bringen.

**G**ewol alle Fisch im Magen sich lang ver-  
hindern / vnd fast alle sampt schleimige  
Feuchtigkeit gebären : So ist doch der Rhein-  
salm / wann er frisch ist / ein edler gesunder guter  
Fisch. Galenus gibt dem Scaro das höchste Lob:  
hette er die Rheinsalmen versucht / würde er an-  
ders geschrieben haben.

Sonst in gemein zu reden / sind alle frische  
Bachfisch / die über Stein rauschen vnd fliessen /  
nicht vngesund / als die Forellen gesotten vnd  
gebraten / darnach die Eschen / die mittelmäßige  
Hechlein / die kleinen Bärblein / die rauhen  
Börsing / die Bachfressen vnd Strömling : Vñ  
vor allen dingen / lassen wir die zarten Grunde-  
len ( ob sie wol nicht wie ander Fisch Schuppen  
haben ) auf der acht nicht kommen / desgleichen  
die Pfrellen oder Erliken.

Es werden bey Galeno vnd andern / die mit-  
telmaßig

Galen.lib.  
3. de ali-  
mentis.  
Plin.lib. 9.  
cap. 18. de  
Salmone.

Psel. 1. & 2.  
de vietus  
ratione.

zelmäßige Fisch mit Schuppen/in Steinichten  
Bachwasseru gefangen/vor die besten vnd ges-  
fundesten geachtet.

Unter den glatten Fischen behalten die am Averroës  
preten vnd Russelcken das Lob/ seind aber mei-  
nes erachtens nicht zum besten / dann sie brin-  
gen dem Leib viel Schleims / vnd gebären ein  
feucht rosig Geblüt: Aber ein grosser feister  
Rheinkaryff zu rechter zeit gefangen vnd vol  
gesotten/ ist nicht zu verachten.

Alle Fischrogen seind schwerlich zu verdauen.

Frische Aale in fliessenden gesunden Bächen  
im Meyen gefangen/vnd wol gebraten/ geben  
gesunden Leuten zimbliche gute Nahrung/ vnd  
speisen überauß wol.

Galenus de Alimentis lib. 3. vnd Aëtius lib.  
2. cap. 138. loben die Bachkressen: hetten sie  
heisse Grundelen ( in frischen Brunnenflüssen  
gefangen ) versuchet / würden anderst von Fi-  
schen geschrieben haben.

Ausonius der Poet/ lobet die M oselfisch am Aufsatze  
höchsten/ unter andern den Salmen vnd Bör.  
sing/ dann also schreibt er in seiner Mosella:

*Nec te puniceos ruinantem uscere Salmo*

*Transferim.*

Vnd vom Bör sing schreibt er/

*Nec se deliciis umen farum Pena filebo.*

Philothimus hat besondere Bücher von Fi-  
schen geschrieben/ sind nicht mehr vorhanden.

Es werden wolgesortene Fisch für die geba-  
dene

theine gelobet: man soll auch (sagen die Lehrer) das Wasser oder den Wein vorhin wol auff lassen fieden / vnd alsdann die Fisch darein legen/ so bleiben sie ganz. Also ystlegen etliche die Grundelen vnd die Ruffolken zu fieden: doch so willich hieinit die Koch nicht kochen lehren/ noch die Fisch weisen/wie sie im Wasser schwimmen sollen.

Die Fisch an den Schwänzen sollen am besten seyn/das macht die stete Bewegung/sagen die Araber: Darumb essen unsere Weiber die Fischschwänz am liebsten.

In Summa/ Fisch sollen bald gessen/vnd nicht in die harz auffgehaben werden / wie andre Kost.

Der Homerisch Achilles thare ihm recht / er ließ nichts überbleiben / wann der König Priamus oder seine Oratores zum Achille einkehren/fanden sie ein leere Küchen/vnd ein offenes Hauf: Also leben unsere Barfüßer Münch/die haben allwegen nichts überigs / vnd doch nicht mangel darben.

### Welche Fisch ungesund/ vnd Krankheit gebären:

**A**lle grüne Fisch / so im unflätigen stiben sumpfen/murichten Wenhern/psülen vnd Gräben wohnen/ seind fast schädlich / vnd Kinner von dem Mur: Desgleichen alle Fisch/so in Bächchen/darein viel Känel vnd heimliche geo-

mag

Annotatio-  
nes 1500.  
Piscis re-  
potus.

studia  
et. M.

mach siessen / gesangen / seynd vngesund / vnnid  
schmecken nicht wol / bringen / in der Speis ge-  
nossen / viel feuchter sauler Febres.

Ein jeder hütte sich vor Fischen die nicht wol  
gesotten / oder allein mit Wasser abbereit wer-  
den.

Wer Fisch essen will / der verschaff das et  
Wein darzu trincke / sonst soll er wol / wann er  
schon gesund ist / in Krankheit fallen.

Gebachten Fisch gebären Melancholien vnnid  
Auffatz.

Vor Fischpasseten hütte sich ein jeder / der ge-  
sund will bleiben.

Die Krebs / sie werden gesotten oder geba-  
chen / seynd sie schwerlich zu verdauen : doch  
mögen die / so im ahniemen seynd / Krebs essen  
vnd derselben Bruen trincken / dan Krebs stopf-  
sen den weichen Bauch.

Alle gesalzenen vnd türre Fisch seynd nimmer,  
mehr gesund / werden liederlich im Leib zerstöre/  
verderben die ganze Natur / wann man sie stets  
braucht.

Was solken die verdörten holzhechte Stock-  
fisch / so im kalten Jenner in Norwegen gefap-  
pen / vnd mit haussen in der kälte gedöre werden /  
für gute nahrung bringen? Desgleichen die  
faulen Hering vnd Plateissen? noch will man  
derselben nicht entberen / vngeschen was für  
Kosten daraufflauft / vnd wie krank wir da-  
von werden.

Geliche

Psellus  
lib. 1. cap. 1.  
Actius lib.  
2. cap. 3. 13.  
2. cap. 3. 13.  
2. cap. 3. 13.

Eiliche Völcker müssen mangels halben anderer Speisen/ stets Fisch essen: das haben vnsere Bachus Kinder erfahren/die können nach ihun/dann zum Schlaßerunck muß man ihnen rohe Hering auf der Tunnen hertragen.

### Welche Fisch in der Arzneien brüchlich seyn.

Hilige  
Fieber.  
Gässelsack,  
eigel  
Harten  
Bauch weichen.  
Diosc.lib.  
a. cap. 32.

Bachfischlin sawt mit Essig abgesotten / besommen wol den hlygen Cholerischen Febricitanten / vnd gählsüchtigen Menschen in der Speis genossen.

Fischbrü die noch frisch ist/ getruncken/ kreißt den verstandenen Stulgang. Die Brü von den Wörsungen soll am besten seyn. Diocorides aber kocht sie mit Wasser / Oel / vnd Dylsamem : ich mag ihe nicht.

Krebs zu Aschen gebrannt/desselben Pulvers 4. quintlein mit ein wenig Entianwurzel inn Wein getrunkē/ 3. tag nach einander hilft gewaltiglich für die giftige wütende Hundsbiss.

Aëtius lib. 2. cap. 174. Aëtius vnd Serapio stellen in dem theil oder receipt ein bessern Bericht / vnd (meines erachtens) klarer vnd gründlicher. Dann also schreiben sie beyde / man soll die Krebs im Augustmonat/ mitten in den Hundtagen/in einem ehren Hafen / oder sonst klipfern oder Erzgeschirr zu Aschen verbrennen/mit Rebenholz und gemel des Krebspulvers nemen zehn theil/ gestossen Entzank

Entianwurzel fünff theil/ vnd ein theil schönen  
Wenrauch/ durcheinander zu einer Pulver ver-  
mischt vnd deni beschädigten alle Morgen ge-  
melts Pulvers ein Löffel voll mit Wein vierzig  
Tag an einander eingeben/ soll auf aller Sorg  
seyn: Wo es aber in der ersten mit der Arzney  
versaumet/vnd zu besorgen/die Sach wird(wie  
manchmal geschieht) zum argen vnd Schaden  
reichen/soll man ernenne Arzney von Krebsen/  
noch weiter vierzig Tag/dem beschädigten(wie  
vorgemelt) mit Wein eingeben.

Serapio sagt/ es sey niemands/ der solche Arzney gebraucht/ von Hundsbissen gestorben. cap. 422.

Gesotten Krebsfleisch mit der gesottenen  
Brüh gessen/ soll ein sonderliche Hülff vnd star-  
ckung für die abnemende Leut seyn / die man Abnemens  
Phthisicos nennt.

Ungetoßtene rohe Krebs in Bächen frisch Scorpion  
gesangen/ gestossen / vnd mit Eselsmilch einge- vad Spinne  
trunk'en/ hilft wol wider alle Schlangenbitz/ nent sich.  
Spinnen vnd Scorpionstich.

### Eusserlicher brauch der Deutschen Fisch vnd Krebs in der Arzney.

Alltageschnittene rohe Barben oder Bach-  
fressen/ über Scorpion vad Spinnen stich Diosc. lib.  
gelegt / heilt vnd widerstehet dem bösen Gifft Gifft.  
2. cap. 21.  
mit gewalt.

Krebsäischen mit Honig vermenget/ vnd an-  
P gestrichen

Nix vnd gestrichen / heylet Riken vnd Schrunden des  
Schrunden hindern / der Fuß / vnd den erfrorenen Fersen/  
an allen ew darzu auch den vimbressenden Krebs.  
den.

In Summa / Krebs widerstehen dem Gifft/  
das kan man spüren / wann Krebs mit Basil-  
gen zerstossen werden / vnd an die Scorpionen  
gehalten / müssen sie darvon sterben.

Avicenna schreibet / daß gestossene Krebs u-  
'Avi. lib. 2. bergelegt / Spreisen vnd Dorn herausser ziehen:  
cap. 151. das haben etliche warhaftig befunden / aber die  
Spreissen / Krebs haben sie mit Hasenschmalz zerstossen /  
Dorn ausz ziehen.

schossene Pfeil vnd Loh damit heraus gezogen.

Wer weiters von Fischen zu wissen begehrt/  
sonderlich deren / die im Meer ihr Wohnung  
haben / wie viel Geschlecht derselben / was ihr  
Natur sey / vnd wie dieselben in der Kuchen vnd  
Artney zu brauchen / mag das neundte Buch  
Plinii besehen : wir wollen dißmal den Fischen  
widerumb in die Bäch erlauben / vnd fürtter be-  
sehen / was wir für Speceren in der Kuchen be-  
dörfsten.

### Das XVII. Capitel.

Bon Speceren vnd Würk / so die  
Tentschen in ihren Kuchen  
brauchen.

**D**isere Köch wollen stets den Würksack ne-  
ben dem Salzfäß inn der Kuchen haben /  
das